

Bringamosa

ENTREVISTA CU PERSONANAN DEN NOS COMUNIDAD

En coneccion cu "Dia Internacional contra Violencia di Hende Muhe" nos di Bringamosa e luna aki a aserca personanan den nos comunidad cu e siguiente pregunta,

"Kiko ta bo opinion tocante violencia contra hende muhe?"

* R.C.B. 36 aña : Mi ta haña cu e ta un abuso y mi ta haña cu mester respeta tur hende muhe.

* C.S. 53 aña : Mi ta haña cu esaki ta algo hopi malo y mi ta di acuerdo si un hende hasi malo e mester wordo castiga y no ta importa ta di cual nacion e ta,

* C.R. 48 aña : Ami ta haña esaki algo hopi malo, tanto pa hende muhe como pa hende homber. Na e momento cu bo ta rabia bo mester domina bo mes.

* C.O. de W, 35 aña : E ta un abuso y door cu nos ta den un cultura machista mas o menos e ta wordo acepta pero e ta algo inaceptabel.

* C.Z. 34 aña : Mi ta completamente contra y si e pasa lo mi raporta. Mi mes conoce un caso unda un señora tabata wordo bati pa su swa anto mi mes a bai denuncia e persona aki. Mi ta haña cu respet mester bin di hende homber pa hende muhe, violencia no por. Bo no por usa violencia pa baha bo frustracion riba un hende.

* L.P. 38 aña : Generalmente mi ta haña algo hopi baho contra un hende muhe pasobra un hende muhe bal hopi den e mundo aki den tur circunstancia cu bo por haña bo como ser humano. Un hende muhe ta un hende cu por brinda bo hopi amor y comprension. Enbes di violencia contra hende muhe e stimacion mester bira mas grandi pa hende muhe. Locual cu mi a ripara mas como hende muhe, enbes e wordo mas aprecia y stima tin hopi violencia contra hende muhe awendia cual ta di lamenta masha hopi mes.

* D.G. 36 aña : Mi ta pensa cu violencia contra hende muhe ta algo hopi malo, cu ta algo cu no mag di sosode mes. Y mi ta kere cu esnan cu ta usa violencia tin di haber cu nan educacion di cas (opvoeding), esaki ta mi opinion. Tur hende tin nan manera pa educa nan yiunan pero nos por stimula mayoran dor di duna informacion cu tin otro manera, por ehempel cu hopi amor. Y si e yiunan no tuma e educacion di nan mayorman, mi ta kere cu nan lo mester ayudo di un sicologo.

* G.C. 44 aña : Violencia contra hende muhe ta algo robez y cu hende muhe no mester tuma esey. Si bo ta den un situacion asina, cu bo

ta wordo viola, kisas ta rabia lo por ta un motivacion pa sali for di den dje. Bo lo busca ayudo y no keda den dje. Dor di mi trabao di antes mi ta mira cambio awor, cu hende muhe no ta tume manera antes mas y ta reaccionando y ta sali for di e situacionan asina.

* G.C. 44 aña : Mi ta haña violencia contra hende muhe ta un abuso cu ta tumando lugar y for di hopi

tampoco.

* C.C. 29 aña : Ora nos ta papia encunto violencia contra hende muhe nos tin cu puntra nos mes dicon e hende muhe Arubiano ta acepta e violencia di hende homber contra dje. Hopi biaha e tin di haber cu hende muhe ta financieramente dependiente di e homber. Hopi mama cu diferente yiu ta pensa dos biaha si e ta laga un persona cu ta maltrate of cu ta dune un bida miserabel, pakiko? Pasobra ora cu e sali afo e comunidad no ta sostene e persona aki of ta dune ayudo pa e por bai para ariba su mes pia. Si e tin un estudio mas halto, e ora ey e posibilidadnan ta bira mas grandi. Pero si e persona aki tin algo den

mente. Violencia ta algo di debilidad. Cu violencia bo no ta yega na nada solamente na destruccion.

* H.R. 31 aña : Wel ami ta pensa cu violencia contra hende muhe tin varios aspecto. E

aspecto fisico y emocional. Hopi biaha nos tin e impresion cu e parti

emocional y mental no ta importante. Pero e parti emocional y mental

ta hasta mas maligno cu e violencia fisico. Mi ta curasha tur hende

muhe cu ta pasando dor di esaki pa busca ayudo mas pronto cu ta

posibel.

* L.S. 37 aña : Un hende muhe cu ta consiente di e 'mannenwereld' mester defende su mes mas, esey ta pone cu hende homber ta haña miedo particularmente si e ta un hende muhe profesional, nan ta cuminsa tuma distancia.

* A.P. 49 aña : Tin hende homber ta suta e hende muhe, nan kier e hende muhe manera catibu den cas. E hende muhe tin cu strica, laba, cuminda mester ta cla ora e yega. Ami ta haña cu tur dos ta mesun cos, tur dos ta traha, anto bo no por bisa cu bo ta yega y haña cuminda cla. Boso dos tin cu yuda otro den cas. Y si tin yiu e homber ta yega come y sali bai keiro laga e señora. E señora ta cu yiu tur cos. Mi no ta haña esey bon. Esey ta mi opinion.

Nos di Bringamosa kier a gradici tur e personanan cu a coopera.



tempo caba y mester ta algo cu ta pertenece na pasado. Locual mi ta ripara hende muhenan ta sacando violencia domestico for di e esfera di "Tabu". Nan ta prepara pa sali busca pa nan derecho nan y di nan yiunan.

* I.D. 45 aña : Un cos cu no mester ta asina, hende muhe ta pa stima, cu hende muhe mi kiermeen, ta bo mama, bo ruman muhe, bo yiu muhe, asina ta como hende homber tin di pensa na prome lugar, mescos bo no kier pa nan hasie cu bo hendenan, no hasie cu otro

su pasado pues den su hubentud, cu e la pasa, un trauma of algo por estilo, cu e relacion primario tin di haber cu maltrato hopi biaha na edad halto esey lo ta un cos normal pe. Pues eyan bo ta wak cu e parti di su relacion primario ta repeti pasobra e trauma no a ser trata. Eynan mi ta conseha e hende muhe cu a pasa den algo asina pa e busca ayudo mas pronto cu ta posibel. Pasobra hopi biaha nan no kier trata nan yiu tampoco cu violencia pero dor cu nan no sa mihor nan por usa e actitud pa educa nan yiunan cual por tin hopi daño riba terminonan largo. Locual ta importante cu respet pa bo mes y tin balor halto di bo mes lo bo no acepta ningun violencia.

Mi ta kere en corto cu violencia ta algo cu ora bo no por resolve algo, un manera pa solucionar un problema destructiva-

**Mi ta hende muhe,
"Stima mi,
no viola mi!"**



Oficina di Hende Muhe
J. Irausquinplein 5
Oranjestad Tel: 831351